



# XVII CONCURSU DE GAITA DE BIMENES



## Bases

---

**1** Podrán tomar parte tolos concursantes que quieran, siempre a título personal. Los participantes han de tener menos de 21 años el día 30 de payares de 2016.

**2** La propuesta d'inscripción tien de formalizase unviando per corréu postal los datos personales nuna fueya (onde constarán nome y apellíos, direición, corréu lletrónicu y teléfonu de contautu), amás d'una fotocopia'l DNI a:

Ayuntamiento de Bimenes  
XVII Concurso de Gaita de Bimenes  
Martimporra, s/n. CP 33527 – Bimenes  
(Teléfonu d'información: 985700004)

**3** El concursu va tener dos estayes: semifinal y final, dambes abiertes al públicu. Si'l número de participantes inscritos ye menor de 15, tolos participantes pasarán direutamente a la final. Sicasí, si'l número de participantes inscritos ye mayor de 15, la decisión cabera sobre la celebración de semifinal tomaránla los miembros del xuráu a comuña cola organización del certame.

En casu d'haber semifinal, el concursante tien d'interpretar un tema de llibre elleición. Pasaríen a la final los 8 participantes con meyor puntuación.

Pa la final, el concursante tendrá d'interpretar 2 temas, ún de la llista que vien darréu y otru de llibre elleición. Les canciones han de ser interpretaes ensin añedíos nin supresiones.

- |                             |                         |
|-----------------------------|-------------------------|
| 1.- Muñeira de Remis        | 7.- Muñeira Lliberdón   |
| 2.- Floréu de Remis         | 8.- Alborada'l paxarín  |
| 3.- Diana florida de Veriña | 9.- Xota l'Oriente      |
| 4.- Fandangu puntiáu        | 10.- Carretera d'Avilés |
| 5.- Muñeira Barganaz        | 11.- Saltón             |
| 6.- Xota'l Centru           |                         |

**4** La fecha tope pa la receición de les inscripciones ye'l día 30 de payares a les 12:00 hores.

**5** La rellación de participantes fadráse pública'l día 1 d'avientu, nun actu abiertu al públicu que se va facer na Casa Cultura de Bimenes a les 12:00 hores. Nesti actu va sortease l'orde de participación na semifinal y / o final.

**6** La semifinal va facese'l sábadu 3 d'avientu, a partir de les 11:00 hores, na Casa Cultura de Bimenes. Nel casu de que'l númberu de participantes seya mui altu, la preseleición continuará'l mesmu día pela tardi, a la hora qu'afite'l xuráu.

**7** La final del concursu va ser el sábadu 10 de xunetu de 2016, a les 17:00 hores, na Casa Cultura de Bimenes.

**8** La non presentación o incomparecencia na semifinal o na final tendrá de ser comunicada cola máxima antelación y va trayer consigo la descalificación del concursante. El concursante tendrá de presentase, como mínimo, 30 minutos enantes del entamu, tanto pa la semifinal como pa la final.

**9** Los concursantes han d'emplegar como instrumentu la gaita tradicional asturiana (d'un sólu roncón) en cualesquiera de les sos modalidaes. Tamién ye obligatoriu l'usu del traxe tradicional asturianu, anque sólo na final del concursu.

**10** Afítense los premios que vienen darréu:

1<sup>u</sup> .- 200 € y troféu

2<sup>u</sup> .- 100 € y troféu

3<sup>u</sup> .- 75 € y troféu

**11** El xuráu tará compuestu por miembros cualificaos, designaos por esti Ayuntamientu, y presidíu pol alcalde del Conceyu Bimenes o persona na que delegue.

**12** El fallu del xuráu sedrá inapelable; asina mesmo, resérvase'l drechu a la meyor interpretación d'estes bases, a les que s'obligarán los concursantes pol fechu de formalizar la so inscripción.



**Conceyu Bimenes**